



Funded by the European Union

Projekat “Podrška Evropske unije konkurentnosti poljoprivrede i ruralnom razvoju u Bosni i Hercegovini” EU4AGRI

Poziv potencijalnim korisnicima bespovratnih sredstava za mjeru ublažavanja negativnog uticaja COVID-19 na poljoprivredno-prehrambeni sektor za mjeru podrške investicijama u prerađivačke kapacitete i marketing poljoprivredno-prehrambenih proizvoda, juli 2020

Odgovori na postavljena pitanja u vezi javnog poziva koja su pristigla do 08. septembra 2020. godine na email adresu registry.ba@undp.org.



Redni broj	Datum prijema pitanja	Pitanje	Odgovor
1.	31.08.2020.	<p>Poštovani,</p> <p>Pregledajući potrebnu dokumentaciju za prijavu na Javni poziv objavljen 30.07.2020.godine Podrška Evropske unije konkurentnosti poljoprivrede i ruralnom razvoju u BiHEU4AGRI, imamo upit.</p> <p>Da li posljednju stavku iz priloga 4: Potvrda iz registra klijenata ne starija od 4 mjeseca od datuma objave ovog javnog poziva - original je potrebno dostaviti, ili je jedna od eliminacijskih stavki?</p>	<p>Potvrda iz registra klijenata ne starija od 4 mjeseca od datuma objave ovog javnog poziva - original je eliminacijska stavka.</p>
2.	31.08.2020.	<p>Imam komercijalno poljoprivredno gazdinstvo na kojem se bavim uzgojem domaćeg lješnika. Ujedno sam i vlasnik preduzeća koje se od 2017. godine bavi pakovanjem tog lješnika, te grođžica, pistacija, badema i mješamo student mix (badem, lješnik, indijski orah, grođžice) i pakujemo ga u kesice od 150 grama.</p> <p>Pošto sam ja i vlasnik gazdinstva i preduzeća, te prerađujem svoj lješnik sa plantaže, provodili smo na način da je preduzeće od gazdinstva otkupljivalo očišćen lješnik.</p> <p>Pitanje je da li možemo biti kandidat za projekat, jer bi pored pakovanja proširivali proizvodnju na pečenje, sjeckanje i mljevenje lješnika.</p> <p>Ukoliko nismo sad kandidati, da li ćemo moći biti kod javnog poziva za primarnu proizvodnju?</p>	<p>Prema ovome kako ste napisali možemo zaključiti da se još uvijek ne bavite klasičnom preradom nego samo pakovanjem otkupljenih proizvoda što vas čini neprihvatljivim kandidatom. Javni poziv za primarnu proizvodnju će se odnositi na proizvođače iz kategorije primarnih proizvođača.</p> <p>Za više detalja o uvjetima javnog poziva molimo da posjetite naše službene stranice www.ba.undp.org i https://eu4agri.ba/gdje će biti objavljen i ovaj javni poziv u 10.mjesecu 2020.</p>
3.	31.08.2020.	<p>U smjernicama stoji ovako</p> <p>"Prihvatljivi podnosioci prijava za dodjelu bespovratnih sredstava u okviru mjere podrške mogu biti obrti, preduzetnici, zadruge i preduzeća u skladu sa važećom klasifikacijom u BiH:</p> <p>-koja se bave preradom poljoprivrednih proizvoda i/ili proizvodnjom prehrambenih proizvoda i upisani su u registar klijenata kod nadležnog ministarstva/institucije [Potvrda iz registra klijenata i gazdinstava koje izdaje</p>	<p>Nije nužno da u vlasničkoj strukturi kompanije treba postojati udio javnog kapitala, međutim ako on kao takav postoji ne smije biti iznad 25%.</p>

		<p>općina/opština ili APIF za one prerađivače koji primaju poticaje od nadležnih ministarstva poljoprivrede, vodoprivrede i šumarstva.],</p> <p>-koja u vlasničkoj strukturi imaju udio javnog kapitala ili glasačkih prava tog javnog kapitala u iznosu do maksimalno 25% i nisu članica holdinga. "</p> <p>Bitna je ova druga stavka. Podnosilac prijave nije članica holdinga, ali nema udio javnog kapitala, njeno vlasništvo je privatno. Moje pitanje glasi da li mora da bude i udio javnog kapitala? Nadam se da ćete moći razumjeti pitanje.</p>	
4.	01.09. 2020.	<p>Poštovani,</p> <p>Pravni subjekt se bavi primarnom proizvodnjom, skladištenjem i doradom sjemena žitarica i uljarica (pšenice, ječma, tritikala, kukuruza, soje, heljde). Posjedujemo silose za skladištenje kapaciteta 12.000 tona i centar za doradu i pakovanje sjemena kapaciteta 3,5/h. Prilikom dorade sjemena prvo se vrši odstranjivanje svih primjese iz naturalnog sjemena, kao što su strane primjese, lomljena i štura zrna, korovi itd. Zatim se vrši tretiranje odgovarajućim zaštitnim sredstvima i na kraju pakovanje sjemena u vreće od po 25 kg.</p> <p>Moje pitanje bi bilo sledeće:</p> <ul style="list-style-type: none"> - Da li je dorada sjemena prihvatljiva djelatnost za apliciranje na javnom pozivu, odnosno da li je nabavka opreme za kontrolu kvaliteta sjemena i opreme za doradu i pakovanje sjemena prihvatljiva investicija u okviru javnog poziva? 	<p>Dorada i pakiranje sjemena ne može se smatrati preradom žitarica prema pravilima ovog javnog poziva. Drugim riječima to je neprihvatljiva investicija.</p>
5.	01.09. 2020.	<p>Postovani,</p> <p>Zainteresovani smo za projekat "Podrska Evropske unije konkurentnosti poljoprivrede i ruralnom razvoju u Bosni i Hercegovini" EU4AGRI.</p> <p>Naše pitanje bi bilo: Pošto se radi o manjem obrtništvu "Proizvodnja i prerada ljekovitog bilja i sirupa" a tek smo u razvoju možemo li aplicirati za malji iznos od navedenog u vašem oglasu?</p>	<p>Prerada ljekovitog bilja nije prihvatljiv pod-sektor u okviru ovog javnog poziva, a isto tako sve investicije koje su izvan graničnih iznosa određenih ovim javnim pozivom (Sredstva podrške po jednoj prijavi mogu iznositi od 60.000 KM do 300.000 KM (bez PDV-a), smatrat će se neprihvatljivima.</p>

6.	02.09. 2020.	<p>Poštovani,</p> <p>U smjernicama za prijavitelje stoji "1. Prihvatljivi podnosioci prijava za dodjelu bespovratnih sredstava u okviru mjere podrške mogu biti obrti, preduzetnici, zadruge i preduzeća u skladu sa važećom klasifikacijom u BiH:</p> <ul style="list-style-type: none"> • koja se bave preradom poljoprivrednih proizvoda i/ili proizvodnjom prehrambenih proizvoda i upisani su u registar klijenata kod nadležnog ministarstva/institucije" <p>Molio bih vas da mi pojasnite na koji se registar tačno misli u RS i da li ovu potvrdu izdaje Ministarstvo poljoprivrede ili APIF. Ukoliko, preduzeće nije primalo podsticaje od Ministarstva, da li i u tom slučaju mora dostaviti potvrdu.</p> 	<p>Prema Uredbi o upisu u registar poljoprivrednih gazdinstava i registar korisnika podsticajnih sredstava ("Sl. glasniku RS", br. 30 od 11. aprila 2013, 65/13) član 4. stavak (2), upis i vođenje registara obavlja Agencija za posredničke, informatičke i finansijske usluge a. d. Banja Luka (u daljem tekstu: APIF).</p> <p>Dakle APIF vodi registar i izdaje potvrde iz registra. Potvrda je obvezujući dokument prema ovom javnom pozivu.</p>
7.	02.09. 2020.	<p>Poštovani,</p> <p>Poslao sam već mail sa ovim pitanjem, ali sada bih ga dopunio.</p> <p>Javljam se kao konsultant jedne kompanije koja namjerava aplicirati za sredstva putem ovog javnog poziva pa imam par nedoumica. Ova firma se bavi već 30 godina otkupom preradom i prometom gljiva, ljekovitog bilja i šumskih plodova. Poslednjih 10 godina bave se proizvodnjom, otkupom i preradom organske maline. Prerada se odnosi na klasiranje, čišćenje i zaleđivanje. U tom periodu su radili i određene količine zaleđene šljive.</p> <p>Projekat sa kojim namjeravaju sada da apliciraju odnosi se na izgradnju velike sušare za sušenje voća, ali prvenstveno organske šljive. U pitanju je uvođenje novog proizvoda:suva organska šljiva.</p> <p>Pitanje je: da li kompanija ispunjava uslov da aplicira sa ovim projektom s obzirom na opisan istorijat proizvodnje? Kompanija ranije nije sušila šljivu, ali je radila sa voćem i vršila proces zaleđivanja.</p> <p>Dopuna: Ukoliko kompanija ispunjava uslov za apliciranje sa ovim projektom, na koji način prikazati prihode i rashode u baznoj godini (2019), odnosno koje proizvode je moguće prikazati u tabelama za finansijski dio poslovnog plana u 2019.godini?</p>	<p>Prema ovom javnom pozivu prerada gljiva i ljekobilja nije prihvatljiv pod-sektor, ali kako ste naveli da se pored toga zadnjih 10 godina bavite i otkupom i zamrzavanjem organske maline, znači da ste prihvatljiv aplikant pod uvjetom da ispunjavate i ostale uvjete javnog poziva. Vaša planirana investicija (sušara za organsku šljivu) je prihvatljiva investicija prema uvjetima ovog javnog poziva.</p> <p>Opravdanost investicije uključuje i ocjenu bazne godine, a ona mora biti isključivo iz poslovanja prihvatljivih sektora prerade. U vašem slučaju koristite podatke poslovanja iz postojeće prerade koji se odnose na zamrzavanje organske maline, te planirane prerade voća (sušenja organske šljive).</p> <p>Prilikom ocjene bazne godine i izrade poslovnog plana morate koristiti prihode i rashode, te stavke pasive i aktive koji se isključivo odnose na prihvatljive sektore (koristiti samo prihode i rashode, te stavke aktive i pasive koji se odnose na preradu organske maline, a isključiti preradu gljiva i ljekobilja iz vaših bilansi). Da bi opravdali planiranu investiciju koristiti projekcije isključivo prihoda i rashoda, stavki aktive i pasive koji se odnose na preradu organske maline i planirane investicije sušenja organske šljive.</p>

8.	02.09. 2020.	<p>Poštovani,</p> <p>Molio bih vas za odgovor, a vezano za informaciju koju sam dobio danas na radionicu da li je prerada gljiva prihvatljiva aktivnost za finansiranje iz ovog poziva EU4Agri projekta.</p> <p>Hvala i srdačan pozdrav.</p>	<p>Ponovit ćemo naš odgovor sa današnje radionice i kazati da prerada gljiva kao pod-sektor nije obuhvaćena ovim javnim pozivom, te se stoga smatra neprihvatljivim pod-sektorom.</p>
9.	03.09. 2020.	<p>Poštovani,</p> <p>Kao punomoćnik društva Vinarija Majić d.o.o. obraćam Vam se sa molbom za odgovor na sljedeći upit.</p> <p>Naime, u javnom pozivu PODRŠKA EUROPSKE UNIJE KONKURENTNOSTI POLJOPRIVREDE I RURALNOM RAZVOJU U BIH - EU4AGRI, točkom 2.7.2.1. propisali ste sljedeće:</p> <p>Vinarstvo</p> <p>- Podnositelj prijave koji se bavi preradom grožđa i proizvodnjom vina mora ispuniti posebne uvjete - kapacitet prerade od minimalno 200 hektolitara vina godišnje (prije investicije).</p> <p>Naime, društvo Vinarija Majić je novoosnovano društvo registrirano 19.05.2019.godine te se još uvijek nalazi u fazi investiranja u opremu i izgradnju objekata kako bi došlo do same prerade vinove loze u daljnju upotrebu.</p> <p>Zanima nas da li društvo kao takvo ima pravo aplicirati na ovaj javni poziv ?</p>	<p>Prema informacijama koje ste naveli u vašem pitanju ne zadovoljavate posebne uvjete ovog javnog poziva pa bi time i vaša prijava bila neprihvatljiva.</p>
10.	03.09. 2020.	<p>Poštovani,</p> <p>Firma iz Banja Luke, veliki prerađivač povrća i voća nas je kontaktirala za pomoć u apliciranju za ovaj poziv. Oni imaju jednu specifičnu situaciju, promijenila se vlasnička struktura i novi vlasnici su odlučili da isprave manjkavosti prethodnih vlasnika i srede finansijsko izještavanje koje nije vođeno kako treba u prethodnim godinama. S tim u skladu, uradili su otpis opreme u vrijednosti od 3 miliona KM, pa je finansijski izvještaj zbog toga u 2019. godini negativan. Kada se izuzme taj otpis, fabrika je poslovala pozitivno.</p> <p>Ono što njih interesuje je da li zbog toga nisu validan aplikant ili se taj problem može dodatno objasniti u aplikaciji i da budu validan kandidat.</p> <p>Srdačan pozdrav.</p>	<p>Prema ovome što ste naveli ne biste ispunjavali uvjete ovog javnog poziva.</p>

11.	03.09. 2020.	<p>Poštovani,</p> <p>Prijavili bih se na objavljeni Javni poziv Projekat EU4AGRI, ali nam nije jasno u Prilogu 4 lista za provjeru, pa Vas molimo za odgovor na pitanja:</p> <p>1. Da li Izjavu da preduzeće nije u postupku predstečajne nagodbe ili likvidacije treba da izda i potpiše ovlašteno lice u preduzeću, ili validan dokument treba da zatražimo od nadležnog suda?</p> <p>2. Da li Izjavu da podnosilac prijave nije osuđivan za kazneno djelo vezano za svoje poslovanje na temelju pravosnažne presude treba da izda i potpiše ovlašteno lice u preduzeću, ili validan dokument treba da zatražimo od nadležnog suda ?</p> <p>3. Da li se kaznena odgovornost odnosi samo na krivičnu odgovornost ili na krivičnu i prekršajnu odgovornost?</p>	<p>Izjavu da preduzeće nije u postupku predstečajne nagodbe ili likvidacije potpisuje ovlašteno lice preduzeća, a ukoliko bude potrebno, UNDP zadržava pravo prije potpisivanja ugovora zatražiti dokaze da se korisnik mjere podrške ne nalazi u navedenoj situaciji.</p> <p>Izjavu da podnosilac prijave nije osuđivan za kazneno djelo vezano za svoje poslovanje na temelju presude potpisuje ovlašteno lice preduzeća, a ukoliko bude potrebno, UNDP zadržava pravo prije potpisivanja ugovora zatražiti dokaze da se korisnik mjere podrške ne nalazi u navedenoj situaciji.</p> <p>Kaznena odgovornost se odnosi se na krivičnu odgovornost.</p>
12.	03.09. 2020.	<p>Poštovani,</p> <p>Interesuje nas kada će biti objavljeni pozivi sa vaše liste : Podrška pružaocima stručnih usluga za identifikaciju mogućnosti finansiranja i pripremu projektnih prijedloga i poslovnih planova za poljoprivredno prehrambene subjekte i investicije u agriturizam.</p>	<p>Javni poziv za investicije u agriturizmu je planiran za drugu polovicu 9.og mjeseca međutim uvijek postoji mogućnost za pomjeranje objave pa vas stoga upućujemo da redovito pratite našu web stranicu (https://eu4agri.ba/), dio Javni pozivi, gdje objavljujemo sve pozive u okviru projekta EU4Agri.</p>
13.	03.09. 2020.	<p>Poštovani,</p> <p>Prilikom popunjavanja projektne dokumentacije, naišli smo na par dilema pa se nadamo da ćete nam pomoći kod razrješavanja istih.</p> <p>Naime radi se o poduzeću koje je registrirano kao d.o.o, za preradu čajeva i ljekovitog bilja. Postoji odobrenje Federalnog ministarstva zdravstva gdje je 11 čajeva već registrirano kao dodatak prehrani.</p> <p>Dakle UVIJET (• koja se bave preradom poljoprivrednih proizvoda i/ili proizvodnjom prehrambenih proizvoda i upisani su u registar klijenata kod nadležnog ministarstva/institucije), koji je naveden u smjernicama, je ispunjen.</p> <p>Naš upit se odnosi na sljedeće:</p> <p>Na koji od pod-sektora (Pobrojanim u smjernicama) da navedemo podnosioca prijave :</p>	<p>Na osnovu poglavlja 2.3. i 2.7.2. ovo javnog poziva vaš pod-sektor je neprihvatljiv jer ljekovito bilje nije pod-sektor obuhvaćen ovim javnim pozivom.</p> <p>Molimo da pratite buduće javne pozive na web stranici www.eu4agri.ba jer se u budućnosti planiraju pozivi u kojima će ljekobilje i neki drugi sektori biti prihvatljivi.</p>

		<ul style="list-style-type: none"> • prerada voća, vinarstvo i maslinarstvo • prerada povrća, • prerada mlijeka, • prerada mesa, • prerada i konzerviranja riba, ljuskara i mekušaca, • prerada žitarica (što ne uključuje proizvodnju stočne hrane) 	
14.	04.09.2020.	<p>Ovim putem želim postaviti upit po pitanju apliciranja naše firme za bezpovratna sredstva EU4AGRI podrška Evropske unije konkurentnosti poljoprivrede i ruralnom razvoju BiH. Naša firma (d.o.o.) je registrovana 2011 god. Kao djelatnost je upisana proizvodnja, prerada i dorada voća i povrća jer osnivač firme je imao veliku proizvodnju povrća na poljoprivrednom gazdinstvu koje je u nekim mjesecima u toku godine na BiH tržištu bilo nemoguće plasirati jedino rješenje je bilo preraditi u proizvod sa većom dodatnom vrijednošću i dugim rokom trajanja. Osnivački kapital nije mogao napraviti pogon za preradu te je sa zadrugom koja se bavila preradom sklopio ugovor o poslovno-tehničkoj saradnji te na domaće tržište plasirao ajvar paradajz sok i dr.proizvode iz kiselog programa prerade povrća.</p> <p>Pošto nova robna marka teško prolazi na tržištu odlukom firme išlo se na najmanju zaradu poslujući na pozitivnoj nuli jer bilo je samo bitno da kupac jedanput kupi proizvod koji je urađen od najkvalitetnijeg povrća što se i dokazalo ispravnim te je potražnja za tim proizvodom bila veća nego za proizvodima firmi koje su radile par godina isti program. U sljedećoj 2012. godini ista zadruga je obnovila ugovor o preradi i isporučena joj je sirovina ali gotov proizvod nije isporučen našoj firmi ni do današnjeg dana niti su htjeli da dalje po ugovoru prerađuju jer bi mi postali sa svojim proizvodima jaka konkurencija i u sljedećoj godini bi imali vlastiti pogon jer smo od kredita i prodatih proizvoda kupili dvije nove mašine za pravljenje ajvara i paradajz soka.</p> <p>Također vlasnik gazdinstva je započeo raditi objekat po svim standardima EU gdje je navedeno u lokacijskim uslovima da će se objekat raditi po fazama u tri faze i tri</p>	<p>Na temelju općih kriterija javnog poziva (poglavlje 2.7.1.) podnosilac prijave mora biti isključivo vlasnik ili odgovorno lice obrta/preduzetnika, zadruge ili preduzeća što vidim da vi ispunjavate.</p> <p>Pored ovog kriterija morate ispunjavati i druge opće i posebne kriterije javnog poziva.</p> <p>Iz vašeg obrazloženja nam nije sasvim jasno jeste li do sada imali registriranu proizvodnju kao gazdinstvo ili kao kompanija?</p>

različite namjene svake faze gdje je predviđeno pakovanje i skladištenje svježeg povrća kao i topla i hladna prerada povrća.

Objekat je dobio sve dozvole građevinsku, ekološku itd i do poplave je bila urađena prva faza u poplavi je 2014 god.objekat 10 dana bio u 1.5m vodenog stuba kao i 3 ha plasteničke paprike u punom rodu koja je 100 % uništena kao i dr. objekti.

U IZVJEŠTAJU ZA ISPITIVANJE ZEMLJIŠTA POSLE POPLAVE NAVEDENO JE DA JE ISPRAVNO ŠTO JE NETAČNO tako da u sljedećoj 2015. povrće zasađeno nije bilo nikakvog kvaliteta te se ponovila šteta kao posljedica poplave

Također poljop. gazdinstvo je imalo kreditno zaduženje za izgradnju objekta.

Za štetu je dobijeno samo koliko je vrijedila vrijednost fakture za nabavku sjemena povrća I TO NAKON GODINU PO ŽALBI MINISTARSTVU UZ FOTO DOKUMENTACIJU za objekat ništa NISMO ČAK MOGLI DATI NI PISANU IZJAVU pod punom materijalnom odgovornošću niti su iz lokalne inspekcije došli na teren.

Uspjeli smo uraditi reprogram kredita i uz pozajmice rodbine preživjeli i gazdinstvo i firma obzirom da je trebalo izdržavati stare roditelje i školovati dvoje djece i što je najveći trošak što je supruga vlasnika gazdinstva morala platiti hitnu operaciju jer sav stres je prouzrokovao maligno oboljenje i da nije bilo 10000 km ja vam danas ne bih pisala ovaj upit.

Nakon jedne godine kontrola depresije itd. U dogovoru sa suprugom podnijeli smo zahtjev za veći kredit i uložiti u objekat te napraviti drugu fazu i otpočeti novu proizvodnju na zemljistu u drugom selu koje nije bilo poplavljeno. Naime proizveli smo kupus i u objektu u koji je uložen kredit u izgrađene boksove od betona pokiselili po tradicionalnom receptu i dobili kiseli kupus odličnog kvaliteta koji smo 2016 poslali uzorak i od tad nas ino kupac ima sve veće zahtjeve tako da smo u prošloj sezoni izvezli od avgusta 2019 do marta 2020 preko 300 tona kiselog kupusa u pregovorima

		<p>sa ino kupcem imamo ponudu za duplo veću količinu nego u prethodnoj godini ali to više nije moguće bez ugovaranja sa drugim poljop. gazdinstvima i proizvodnji sirovine i zapošljavanju radnika i ulaganja u tehnološki proces. Konkretno pitanje pošto je vlasnik firme supruga koja nije u stalnom radnom odnosu u firmi vec radi na gazdinstvu radi se o povezanim licima da li ima pravo aplicirati firma kao direktan izvoznik i organizator proizvodnje i plasmana da bi poceli preradu i zaposlili radnike u firmi kao i uključili druge zainteresovane proizvođače kupusa koji su ove godine zaoravali taj usjev ili bacali u selima oko Bijeljine.</p> <p>Sa poštovanjem molim odgovor i izvinjavam se na ovolikom tekstu ali postojati 10 godina i opstati pored svega kroz što smo prošli morala sam pojasniti zašto tek sad možemo otpočeti vlastitu preradu, a gazdinstvo da se usredsredi na što veću i kvalitetniju proizvodnju sirovine.</p>	
15.	04.09. 2020.	<p>Imate li neki program podrške za mini zoo vrt i konjički klub za djecu i djecu sa posebnim potrebama gdje bi bilo organizirano sve od škole jahanja do terapijskog jahanja za djecu i odrasle.</p>	<p>Ovim javnim pozivom nije obuhvaćena podrška za oblasti koje ste naveli. Molimo da pratite buduće javne pozive na web stranici www.eu4agri.ba jer se u budućnosti planiraju pozivi koji će biti više usmjereni na agroturizam i diverzifikaciju.</p>
16.	04.09. 2020.	<p>Poštovani,</p> <p>Obraćam Vam se ispred firme koja se bavi proizvodnjom mlinskih proizvoda (proizvodnja pšeničnog brašna).</p> <p>Ove godine smo krenuli u investiciju izgradnje silosa za skladištenje pšenice. Koliko smo razumjeli smjernice mislim da imamo mogućnost apliciranja za sredsta za nabavku opreme za pomenute silose.</p> <p>Molim Vas za pojašnjenje što se tiče potrebne dokumentacije nabrojane u tački 3.1.Potrebna dokumentacija.</p> <p>Da li izjave pod rednim brojem 24.i 25 trebaju biti izdate od suda ili od odgovornog lica firme kao i na koji registar komitenata se misli u tački 26.</p>	<p>Izjavu da preduzeće nije u postupku predstečajne nagodbe ili likvidacije potpisuje ovlašteno lice preduzeća, a ukoliko bude potrebno, UNDP zadržava pravo prije potpisivanja ugovora zatražiti dokaze da se korisnik mjere podrške ne nalazi u navedenoj situaciji.</p> <p>Izjavu da podnosilac prijave nije osuđivan za kazneno djelo vezano za svoje poslovanje na temelju presude potpisuje ovlašteno lice preduzeća, a ukoliko bude potrebno, UNDP zadržava pravo prije potpisivanja ugovora zatražiti dokaze da se korisnik mjere podrške ne nalazi u navedenoj situaciji.</p> <p>Što se tiče vašeg pitanja vezanog za redni broj 26. Potrebne dokumentacije misli se na registar registar poljoprivrednih gazdinstava i registar korisnika/klijenata koji vode Federalnom ministarstvo poljoprivrede u Federaciji Bosne i Hercegovine i APIF u Republici Srpskoj.</p>

17.	06.09. 2020.	<p>Poštovani,</p> <p>Preduzeće je registrirano za proizvodnju i promet prehrambenih proizvoda i želi da aplicira na ovaj Javni poziv. Predmet prijave će biti nabavka opreme za solarnu elektranu kapaciteta 148 kw, jer ćemo time sebi obezbijediti proizvodnju vlastite električne energije i značajno smanjiti troškove struje. Prema Statistici, firma je razvrstana u Šifru razreda djelatnosti: 10.72 - Proizvodnja dvopeka i keksa, proizvodnja trajnih peciva i kolača. Trenutno firma ima nekoliko linija proizvodnje i prerade i imamo dilemu šta se u projekcije za prijavu može uključiti i molimo vas za vaš povratan odgovor.</p> <p>Znači slejedeć linije prerade i proizvodnje su:</p> <ol style="list-style-type: none"> 1. Proizvodnja oblatni (osnovne sirovine su pšenično brašno koje mi ne proizvodimo ali ga nabavljamo od Klasa Sarajevo i dalje ga prerađujemo i stvaramo novu dodanu vrijednost pšeničnom brašnu), 2. Proizvodnja FLIPS-a (osnovne sirovine su kukuruzno brašno koje mi ne prerađujemo ali ga kupujemo na domaćem tržištu i putem proizvodnje flipsa stvaramo novu vrijednost, dodajemo kikiriki koji mi u sirovom obliku nabavljamo iz Latinske Amerike i prerađujemo ga, a onda ubacujemo i u FLIPS), 3. Proizvodnja kikirikija (firma nabavlja sirovi kikiriki, a onda ga pržimo, meljemo, sušimo ovisno šta i koju vrstu proizvoda proizvodimo), 4. Prerada i proizvodnja suhих šljiva, 5. Proizvodnja PopCorn-a (kupujemo kukuruz kokičar, a onda proizvodimo PopCorn slani ili preljeveni sa čokoladom), 6. Proizvodnja keksa i kroky energetskih pločica (ovdje koristimo pšenično brašno koje nabavljamo opet od Klasa za proizvodnju keksa, a za energetske pločice nabavljamo sjemenke žitarice-ražene pahulje, ovsene, pšenične, sojine i onda od njih i ostalih potrebnih sirovina proizvodimo energetske pločice). 	<p>Prema informacijama koje ste naveli u vašem pitanju možemo konstatirati da vaša proizvodnja nije prihvatljiv pod-sektor prema ovom javnom pozivu.</p> <p>Još jednom vas upućujem na našu we stranic (https://eu4agri.ba/) da detaljno proučite opće i posebne uvjete javnog poziva.</p>
-----	--------------	---	--

		<p>Molimo vas za dogovor šta od gore navedenoga možemo uključiti u projekcije prihoda. Hvala puno unaprijed na odgovoru.</p>	
18.	07.09.2020.	<p>Poštovani,</p> <p>Mi smo poljoprivredna zadruga koja se bavi otkupom i preradom jagodičastog voća, te plasmanom na tržište EU, kao i proizvodnjom te izvozom džemova i sokova od jagodičastog voća na evropsko tržište.</p> <p>Imamo implementiran sistem upravljanja kvalitetom te posjedujemo IFS certifikat, a do ove godine smo imali i HACCP, koji je istekao tokom jula 2020. Nismo ga produžili iz razloga što nam je ukazano da je HACCP integrisan unutar IFS te da nema potrebe, a uvjerali smo se da nema ni smetnji, jer gotove proizvode izvozimo u Italiju, Hrvatsku i Holandiju. U vezi s navedenim imamo dva pitanja:</p> <ol style="list-style-type: none"> 1. U posebnim kriterijima prihvatljivosti je navedeno da na kraju investicije podnosioci moraju biti certificirani u skladu sa HACCP sistemom (minimalno za HACCP, a moguće je i IFS, ISO 22000). Iz konteksta teksta u zagradi proizilazi da je IFS certifikat višeg ranga u odnosu na HACCP i da je dovoljno imati samo IFS. Molimo da potvrdite da li je naše tumačenje ispravno, odnosno da li je na kraju investicije dovoljno imati IFS certifikat? 2. Ako je naše tumačenje ispravno, a što možemo dokumentovati i mišljenjima certifikacionih kuća, da li će se dodatno bodovati ovi certifikati u koje je integrisan HACCP? S obzirom da nismo na vrijeme bili upoznati sa javnim pozivom jer je sezona otkupa voća kasnila ove godine i prezauzeti smo u proizvodnji, da li postoji mogućnost da se produži rok za dostavljanje prijava? Takođe, usljed restrikcija u radu svih subjekata zbog godišnjih odmora i Covid-a, nešto je duže vrijeme za dobijanje dokumentacije koja se prilaže uz prijavu. <p>Ljubazno Vas molimo da nam dostavite tumačenje i odgovor na naša pitanja.</p>	<p>Nužno je posjedovati jedan od navedenih standarda na kraju investicije pa to može biti i IFS.</p> <p>Temeljem postavljenih uvjeta javnog poziva za preradu polazni certifikat za bodovanje je HACCP, a drugi certifikati uz ovaj nose dodatne bodove. To znači za posjedovanje IFS standarda ćete dobiti 10 poena, a potrebno je da dostavite kopiju važećeg certifikata.</p> <p>Krajnji rok za podnošenje prijava je 30.09.2020.godine. Ukoliko dođe do pomjeranja roka za prijavu takvu obavijest ćemo na vrijeme iskomunicirati putem naše web stranice (https://eu4agri.ba/) na koju vas upućujem da je redovito pratite.</p>

19.	05.09. 2020.	<p>Poštovani,</p> <p>Hvala na odgovoru, jasno mi je što se tog dijela poslovnog plana tiče.</p> <p>Sada imam pitanje u vezi sa poljem "Statistička ocjena efikasnosti". Ne mogu ovdje da dobijem vrijednosti jer nemam kratkoročne i dugoročne obaveze u projektu.</p> <p>Možda ne mogu da ih prepoznam, šta bi po vašem mišljenju trebale biti ove obaveze? Jer nemam kredite u ovom projektu, sve finansiram iz sopstvenih izvora.</p> <p>Srdačan pozdrav</p>	<p>Preduzeće može ne imati dugoročnih obaveza ali kratkorčne obaveze mora imati svaka firma.</p> <p>Kratkoročne obaveze nisu samo kratkoročne krediti nego neplaćane obaveze i neplaćeni račune u predviđenom roku za plaćanje. Primjerice plaćenje računa materijala i sirovina, dadžbine, komunalije, struja, voda i plaće i doprinosi i slično.</p>
20.	07.09. 2020.	<p>Dobar dan,</p> <p>Pišem Vam u vezi EU4AGRI javnog poziva s obzirom da imamo jednu nedoumicu.</p> <p>Mi se bavimo voćarstvom, te smo 2016. registrirali obrt. Ulaganja smo investirali iz naše druge firme koja se bavi preradom kave. Do sada se nismo ozbiljno bavili tim poslom s obzirom da su nam voćnjaci jos mladi te ne daju velike urode. U idućim godinama očekujemo veće urode i želimo se aktivno početi baviti s ovim poslom, te se stoga prijavljujemo na javni natječaj. Želimo se prijaviti za izgradnju objekta u kojem bi skladištili voće kao i za izgradnju hladnjače. Imamo nedoumicu vezanu za prikazivanje prihoda i rashoda iz prošle godine, s obzirom da još nismo ostvarili prihode ne možemo ih ni prikazati, ali rashode vezane za sadnju možemo prikazati kroz izvještaje sestrinske firme za preradu kafe. Da li je to uredu ako uradimo na ovaj način? Hvala, lp</p>	<p>U vašem slučaju bili biste neprihvatljiv aplikant jer ne ispunjavate općne i posebne uvjete javnog poziva (poglavlja 2.7.1 i 2.7.2.1 javnog poziva).</p>
21.	07.09. 2020.	<p>Poštovani,</p> <p>Naše pitanje se odnosi na sektor prerade ribe, poglavlje 2.7.2.5, u kojem stoji da podnosioci prijave za preradu i konzerviranje ribe moraju ispuniti uslove u pogledu kapaciteta postojeće prerade 20 tona (prije investicije).</p> <p>Zadruga iz Travnika pored proizvodnje svježe konzume ribe, ima registrovan objekat za čišćenje i obradu ribe sa dodjeljenim kontrolnim veterinarskim brojem, kapaciteta većeg od 20 tona, ali ne posjeduje objekat za preradu ribe, koji je u namjeri da dogradi i opremi.</p>	<p>Temeljem poglavlja 2.7.2.5. javnog podnosioci prijava za preradu i konzerviranja riba, ljuskara i mekušaca moraju ispuniti uslov od minimalno 20 tona kapaciteta prerade ribe (prije investicije).</p> <p>Ukoliko pored ovog uvjeta ispunjavate i ostale opće i posebne uvjete javnog poziva onda ste prihvatljiv aplikant. Izgradnja i dogradnja objekta za preradu ribe je prihvatljiva investicija prema poglavlju 2.8.1. Prihvatljive investicije i troškovi (tačka 5 Sektor prerade i konzerviranja riba, ljuskara i mekušaca).</p>

		<p>Da li zadruga ispunjava uslove u pogledu odjeljka 2.7.2.5? Ukoliko Zadruga ne ispunjava uslove, a drugi subjekti iz oblasti akvakulture i prerade ribe imaju identično poslovanje i stepen razvijenosti, poznavajući akvakulturu u Bosni i Hercegovini, tržište ribe i sektor prerade ribe bojimo se da niti jedna firma, zadruga ni fizičko lice iz Federacije BiH neće imati uslove da aplicira za sredstva UNDP-a iz odjeljka 2.7.2.5 Javnog poziva projekta EU4Agri. Prema našim saznanjima samo jedan subjekt u Republici Srpskoj će moći ispuniti uslove u pogledu odjeljka 2.7.2.5.</p>	
22.	08.09. 2020.	<p>Poštovani, Pročitao sam Vaš konkurs i zainteresovao sam se za jedan projekat koji već duže vreme pokušavam realizovati. Porodičnim poslom se bavimo početkom 2000.godina. Posedujemo ribnjake i propratne objekte za preradu ribe, branu sa rigolom, ribarnicu u gradu i opremu za pakovanje i skladištenje ribe. Međutim, tokom 2014.godine, usled poplava, došlo je do oštećenja ribnjaka i objekata te se prekinulo sa proizvodnjom. Tokom 2015.godine su ribnjaci renovirani ali se koriste samo za privatno uzgajanje. Firma je objavljena a ribarnica zatvorena. Ono što mene zanima jeste da li možemo konkurisati na projektu i ukoliko prođemo finansiranje nakon toga i registrovati se i krenuti sa proizvodnjom? Imamo spreman projekat već duže vrijeme, a šteta bi bila da se ne realizuje u godinama koje dolaze. Imamo prostora i za proširivanje ribnjaka, a rijeka koja snabdijeva ribnjake je jako bogata. Hvala,</p>	<p>Prema pravilima javnog poziva prihvatljivi su oni aplikanti koji su registrirani i bave se najmanje jednu punu fiskalnu godinu (2019) preradom i konzerviranjem ribe, ljuskara i mekušaca. Prema ovome što ste naveli ne ispunjavate opće i posebne uvjete javnog poziva.</p>
23.	08.09. 2020.	<p>Poštovani, obraćam Vam se sa upitom u ime kompanije koja želi da aplicira na Vaš projekat EU4Agri. Osnovna djelatnost kompanije je sortiranje, pakovanje, skladištenje i prerada voća, koja obuhvata otkup voća od poljoprivrednih proizvođača, sortiranje prema kvalitetu, pakovanje te skladištenje i distribucija konzumnog voća, skladištenje i prerada voća koje ne zadovoljava kvalitet konzumnog a</p>	<p>Na osnovu opisa vaše djelatnosti, zaključujemo da se prevashodno bavite primarnom poljoprivrednom proizvodnjom i stoga niste prihvatljiv podnosilac prijave za ovaj javni poziv koji je namjenjen za prerađivačke kapacitete. Ali projekat EU4AGRI u narednom periodu planira objaviti još poziva među kojima će biti i poziv za primarnu proizvodnju. Objava ovog poziva je planirana za oktobar 2020. godine. Ljubazno vas molimo da pratite našu web stranicu www.eu4agri.ba i tamo potražite okvirni plan budućih javnih poziva.</p>

		<p>namijenjenog za proizvodnju voćnih destilata, namijenjenih za već pomenutu hemijsku i farmaceutsku industriju. Najveće tržište svježe šljive (preko 60%) je Njemačko, zatim Italija, Slovenija, Austrija i dr. Na ovim tržištima kompanija koristi ne izravne kanale distribucije sa dvije razine, veleprodaja i maloprodaja. Kompanija kroz šljivu vidi velike mogućnosti širenja na postojećim i izlaska na nova tržišta ostalih zemalja EU i Rusije, istovremeno radeći na zadovoljavanju standarda u samoj proizvodnji od njive do stola.</p> <p>Iz gore navedenog, vidljivo je da se kompanija bavi preradom voća u domenu voćnih destilata namijenjenih hemijskoj i farmaceutskoj industriji. Budući da bi u projekat išli u segmentu sortiranja, pakovanja, skladištenja i distribucije svježeg voća, imamo dvojbu te Vam se ovim putem obraćamo sa upitom, da li mi kao najveći izvoznik šljive iz BiH, možemo aplicirati na Vaš projekta EU4Agri, odnosno da li nas se može tretirati kao "prihvatljivog podnosioca prijave", pored gore navedenih djelatnosti? U prilogu Vam i dostavljamo skeniran izvod iz Sudskog registra u kojem su vidljivi kodovi djelatnosti.</p> <p>Pored toga bi spomenuli da su naši ključni dobavljači (cca 200 malih kooperanata) fizičke osobe, koje se bave primarnom proizvodnjom kao i nekoliko kompanija-kooperanata. Kroz aktivnosti kompanije olakšava se pristup trenutnim i novim potencijalnim kooperantima za plasman vlastitih proizvoda, što je prilika za nove kooperante, koji su u dosta slučajeva žene.</p> <p>Radujem se prilici da porazgovaramo (online ili telefonski) o navedenom upitu, te Vam u svakom momentu stojimo na raspolaganju za eventualna pitanja i nejasnoće koje imate.</p>	
24.	02.09.2020.	Kako se tretiraju dugoročna rezervisanja i dugoročna razgraničenja, klasa 40 u ocjeni bazne godine, da li se ubrajaju u kapital i rezerve ili u zbir dugoročnih i kratkoročnih obaveza?	Dugoročna rezervisanje i dugoročna razgraničenja ubrajaju se u kapital i rezerve.

25.	02.09. 2020.	Preduzeća se već bavi preradom voća i povrća više godina. Trenutno u procesu izgradnje i opreme pogona, te od EU4Agri projekta planira tražiti sredstva za dio opreme koja će biti instalirana u pogonu. Da li je u redu prikazati KOMPLETNU investiciju kako deskriptivno, tako i sa aspekta finansija. Naime, izvlačenje iz konteksta samo jedne ili dvije mašine u odnosu na kompletnu investiciju nema previše smisla, jer se radi o novom postrojenju.	Iz vašeg pitanja nismo shvatili da li već imate dio mašina i da li namjeravate kroz Javni poziv nabavljati drugi dio kako bi kompletirali proces proizvodnje. Ako je to slučaj onda možete se prijaviti samo za onaj dio mašina koji Vam nedostaje i prikazati ga financijski u poslovnom planu u tabeli dinamike i strukture ulaganja. U popisu postojeće imovine i tabeli amortizacije postojeće imovine morate prikazati taj dio mašina i oprema koji već imate. U narativnom dijelu poslovnog plana svakako trebate prezentirati vašu čitavu investiciju, ali je neophodno da jasno razdvojite šta je već realizirano i to ne može biti predmetom finansiranja kroz javni poziv, ali će moći evaluatorima da dobiju kompletnu sliku vaše investicije i planova.
26.	02.09. 2020.	Planiramo investirati u modernizaciju proizvodnog pogona, međutim modernizacija proizvodnje dovela bi do smanjenja broja radnika, pa me zanima da li je broj radnika eliminatorni kriterij?	U skladu sa poglavljem 2.7.1, tačka 11 općih kriterija smjernica javnog poziva koja glase: predviđena investicija će rezultirati zapošljivanjem minimalno 1 osobe za projekte do 100.000 KM ili minimalno 2 osobe za projekte preko 100.000 KM (iznos finansiranja EU4Agri); što znači ovim investicijom mora se stvarati novih radnih mjesta a ne smanjiti radna mjesta. Dodatno stvaranje većeg broja radnih mjesta se boduje u skladu sa kvalitetnim kriterijima u poglavlju 4 način bodovanje.
27.	02.09. 2020.	Ukoliko podnosilac prijave ima dodatne izvore finansiranja od strane drugih donatora, koliko se to boduje.	Dodatni izvori finansiranja se dodatno ne boduju i nisu prihvatljivi u skladu sa poglavljem 2.8.2. gdje stoji neprihvatljive investicije i troškovi: Nabavka opreme, mašina, alata, komunikacijskih uređaja, hardvera i softvera te ostalih roba (djelomična ili potpuna) izvršena na osnovu donacija i poklona ili podrške u okviru međunarodnih projekata, donacija, odnosno iz bespovratna sredstva bilo kojeg nivoa vlasti u BiH.
28.	02.09. 2020.	Ako se preduzeće bavi pored prerade i prodajom svježeg voća i povrća, da li je potrebno to razdvojiti u posebne bilanse?	Da, treba obavezno razdvojiti u ocjeni bazne godine i u izradi poslovnog plana u skladu sa poglavlje 4 smjernica javnog poziva i uputstva tabelarnog poslovnog plana red 18.
29.	02.09. 2020.	Pitanje je kompleksnije, a vezano je za ocjenjivanje poslovnih planova i bodovanje. Korak 2 je ocjena poslovnog plana-sastoji se od dva dijela (ocjene bazne godine i ocjene poslovnog plana). Korak 3 je bodovanje na osnovu kvalitetnih kriterija. Koji od ova 2 kriterija ima veći značaj u	Poslovni plan uključujući i ocjenu bazne godine se ne boduje nego su eliminatorni na osnovu kojeg projekat ili prolazi dalje u sljedeći korak evaluacije ili ne. Ako predloženi projekat prođe ocjenu bazne godine i ocjenu poslovnog plana, onda tek tada ide na bodovanje na osnovu kvalitativnih kriterija. Projekti se rangiraju od onog koji ima najviše

		<p>odluci da ce se neki pojedini plan odobriti. Npr. Imam 2 poslovna plana X i Y. Poslovni plan X ima ocjenu bazne godine 15, i bolje pokazatelje u ocjeni pokazatelja poslovnog plana, te 300 bodova na osnovu kvalitativnih kriterija. Poslovni plan Y ima 11 bodova u ocjeni bazne godine, nešto lošije pokazatelje za poslovni plan, te 360 bodova na osnovu kvalitativnih kriterija. Tokom prezentacije je rečeno da o odobravanja poslovnih planova odlučuje Komisija. Da li Komisija odlučuje samo na osnovu ovih pokazatelja ili prolaznost zavisi još od nečega. Ovo je veoma bitno sa stanovišta kvalitete rada konsultanata, jer je i tokom prezentacije bilo više govora o kriterijima ili pogreškama vezanim za Korak 2, a ne za korak 3.</p>	<p>do onog projekta koji ima najmanje bodove. Broj projekata koji se odobri ovisi o raspoloživim sredstvima.</p>
30.	02.09.2020.	<p>Koji dokument se traži u smislu dozvola za instaliranje opreme za dobivanje obnovljive energije (solarna). Naime kod instaliranja ove opreme potrebne su mnoge dozvole od lokalnih do federalnih razina.</p>	<p>Ukoliko se planirana investicija odnosi na postrojenje za proizvodnju energije iz obnovljivih izvora, biomase ili obradu otpada, ista mora biti tehničko-tehnološki izvodljiva (dokaz: studija tehničko-tehnološke izvodljivosti), te priložiti svu zakonski potrebnu dokumentaciju, dozvole i saglasnosti.</p>